

獄吏漆其身候結。及刑部覆釋得旨。已沒於園扉矣。後崇禎時。令起官累遷。至順天開府。以失機下詔獄。方入獄。欲見周在側。大駭。因忽忽不樂。是時思陵用法嚴。令自度不免。遂雉經於獄。得旨領埋。家人以白裹屍於獄垣上。出之。天道好還如此。都人喧傳其事。公之孫瀚語余云。

秋燈錄

闕名

錢鶴灘

華亭周宿來秋部。茂源。以恤刑駐節雪苑。有山人得罪別駕者。別駕怒。欲加以刑。山人倉卒中。託言我秋部執友。冀緩其責。實未嘗謀面也。別駕詣秋部問之。秋部曰。此余生平好友。幸君相諒。山人得無恙。一時推秋部為長者。秋部曰。昔余鄉錢鶴灘先生。福傳臚後。名噪海內。一老學究。冒稱先生。業師教授。旁邑富翁家。富翁以先生故。大敬重之。五年。致資頗裕。一日。先生假歸。道過旁邑。富翁代學究治具甚恭。曰。錢先生至矣。必謁君。幸以賤子為言。學究伴應之。而惴惴恐事泄。乃乘夜迎先生。數千里於道旁。叩首流涕而言曰。某不才。託公三天。

感且不朽。但罪有難追。特來請死。先生備問其故。笑曰。此易事。急返。勿使人知。當有以處此。學究潛歸。德惠富翁掃徑以待。先生至。造學究門。執幣請謁。拜座下。委曲盡禮。曰。某遠涉京邸。不獲晨夕杖履。負疚良多。賴賢主人代為周旋。誼最高。亟請富翁出。再拜稱謝。富翁狂喜。事學究倍加恭謹。先生之雅量高致。傳於今百餘年未衰也。區區向別駕脫山人。敢誇忠厚哉。

高念東

王尚書阮亭嘗述高公念東三事。一公少宰家居時。夏月獨行郊外。於隄邊柳陰中乘涼。一人車載瓦器抵隄下。屢擁不得上。招公挽其車。公欣然從之。適縣尉張益至。驚曰。此高公何乃爾。公笑而去。一達官遣役來候。公方與羣兒浴河內。役亦就浴。呼公為洗背。問高侍郎家何在。一兒笑指公曰。此即是。役於水中跪謝。公亦於水中答之。一公賦詩兀坐齋中。一無賴子與公族人相角。走訴公。且以頭撞公。家人奔赴勸之去。公徐問曰。此為誰。所言何事。蓋公酣吟。毫不挂念。其胸次為何等邪。

陳於鼎

宜興陳一教。礪雲。廉憲也。二子。長於泰。次於鼎。琪。華次先。戊辰入翰林。長後辛未登狀元。一門富貴。盈滿已極。其家人致民變。兩翰林。前職。未幾。礪雲捐館。於泰亦不久繼之。於鼎以父兄不合於鄉。僦居京口。己亥海寇上金山。於鼎則手書招戚友。恣意彈冠。後海寇就戮。修隙者達其字跡於當道。逮繫詔獄。以所禁之室。沿出入路。人聲嘈雜。日難靜坐。夜不成寐。百計營求。無路幽邃處。苦口懇提牢主政。為指獄底空地。乃自搆小精舍。一椽以居之。初入之夕。時值新年。張燈遣興。暢飲更餘。就枕之後。僻靜深遠。夢魂甜適。日高方起。時為辛丑年正月某日也。徐出視外。寂無人聲。異之。四顧囚監各廄。房闔如矣。更異之。急前趨叩獄門。門亦反鍵。益駭焉。呼門外。人人反驚訝。獄內何尚留人。昨夜三更時分。恩詔大赦。在獄犯人。無論已結未結。盡行驅釋。齋詔官猶恐遲悞。出入高呼者三。豈獨無耳邪。曰。移入後室。肆赦高呼。夢沈不覺也。然獄門不得擅開。罪犯不得再出。會須上聞。再浼提牢具情說堂。夫司寇勉為具疏。敘述前因。為海寇事。旨意嚴重。即日處決矣。一晚之安息。竟成百

年之大夢。孔子曰。素患難。行乎患難。須再讀也。嘗聞陳礪雲盛時。族姪陳於庭。報陞都察院左堂。礪雲聞之。曰。左堂右堂。不如我家三郎四郎。蓋泰鼎將露頭角時也。由今觀之。鼎元翰。驍發一時。父子兄弟。科甲蟬聯。反非吉兆。昔有尊宿赴湯餅之宴。席中傳抱新生之兒。尊宿熟視舉杯祝之曰。後日必定做教官。主人微有不愜之色。尊宿曰。教官自然有壽耳。戴官帽掛錦繡。張蓋。體統不與贊郎吏員為伍。又壽而官者。自能教子孫讀書。書香不絕。寧非好兒孫邪。合座首肯。旨哉尊宿之言也。陳氏之狀元翰。撰不及一教官萬萬矣。

裁驛遞

流賊之起。始於裁驛遞。驛遞之裁。倡於御史毛羽健。成於科臣劉懋。羽健娶妾甚嬖。其妻乘傳至。立遣之。來速不及預防。羽健恚極。遷怒於驛遞。倡為裁驛夫之說。而懋附和成之。駟遞一裁。游手千萬人。倚駟遞為生者。無從得食。相率為盜。遂至滋蔓。闖賊得以招集之。流毒中邦。覆滅宗社。兩人首禍。萬死不足贖。而實釀於一婦人。嗚呼。女禍之酷。伏於衽席。可不慎哉。